

From: UUM CORPORATE COMM.
Sent: Isnin, 8 Mac 2021 10:11 pg
To: UUM - All Staff; UUM - All Students
Subject: PROJEK FINDER, STML UUM TEMBUSI TV SINGAPURA



UUM Corporate Comm.
Universiti Utara Malaysia

8 MAC 2021 / 24 REJAB 1442H
=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Siti Fatimah Abdullah
Gambar oleh: FINDER, STML

PROJEK FINDER, STML UUM TEMBUSI TV SINGAPURA



UUM ONLINE: Projek Food Security, Innovation & Development Research Centre (FInDER), Pusat Pengajian Pengurusan Teknologi Dan Logistik (STML) UUM terpilih oleh sebuah stesen televisyen di Singapura untuk dijadikan dokumentari.

Penerbit Rancangan, Zarina Omar berkata, Seribu Daya, Bakti Petani yang berdurasi hampir 60 minit itu dijadikan dokumentari yang disiarkan di siaran Suria, MediaCorp Singapura selain boleh ditonton di alam maya.

“Dokumentari ini melibatkan pelbagai pihak antaranya universiti, rakan industri dan para peserta yang terdiri daripada penduduk kampung yang mengisahkan bagaimana tiga peserta berusaha meningkatkan ekonomi keluarga dalam sektor pertanian dan penternakan,” ujarnya.

Jelasnya, mereka ingin keluar daripada kelompok kemiskinan dengan menyertai projek ternakan hasil kerjasama STML untuk menjadi usahawan ternakan ayam kampung yang berjaya suatu hari nanti.

“Saya terpanggil untuk membuat penggambaran di sini kerana pihak MediaCorp Singapura mahu mengangkat kisah tentang semangat komuniti di kalangan masyarakat Malaysia dalam mencapai sesuatu matlamat yang ditetapkan sama ada dari aspek budaya, pertanian, kelestarian dan ekonomi.

“Pihak kami mencari, membuat kajian lalu terbaca artikel UUM Corporate Communication mengenai CSR yang dijalankan oleh STML di sebuah kampung. Idea asal projek ini daripada Pengarah FinDer itu sendiri iaitu Prof. Madya Dr. Risyawati Mohamed Ismail telah mencipta peluang dan ruang kepada masyarakat kampung komuniti B40 terlibat dalam keusahawanan ternakan ayam kampung ini.

“Di sini kita dapat melihat ikatan yang terbina atas dasar kasih sayang seperti sebuah keluarga, kisah penduduk yang kaya dengan semangat tolong menolong, muafakat dan masih bersatu-padu pada zaman yang cukup mencabar dan ini pada saya sangat menarik sukar ditemui di tempat lain,” ujarnya.

Sementara itu, Pengarah Projek Ternakan Ayam Kampung Berkelompok, Dr. Mastora Mustafar kagum dengan semangat dan sikap positif para peserta yang gigih meneruskan usaha walaupun menghadapi banyak cabaran dan pengorbanan terutamanya ketika pandemik Covid-19 yang belum berakhir.

“Tambahan pula dengan semangat kerjasama dalam pasukan FInDER, STML yang kuat turut memastikan projek ini berjalan lancar dan mencapai sasaran yang ditetapkan.

“Keusahawanan menyediakan peluang bagi golongan sasaran untuk bekerja dengan lebih fleksibel jadi kami turun padang menyantuni penduduk untuk membantu mengukuhkan kedudukan ekonomi mereka,” katanya.





Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.